

Efnahags- og viðskiptanefnd Alþingis
B.t. Hildar Njarðvík nefndarritara


Reykjavík, hinn 27. nóvember 2002

Efni: Umsögn BHM um frumvarp til laga um breyting á lögum um staðgreiðslu opinberra gjalda (372. mál)


Visað er til bréfs yðar, dags. 21. nóvember 2002, varðandi umsögn um 372. mál, frumvarp til laga nr. 45/1987 um staðgreiðslu opinberra gjalda með síðari breytingum. Eftirfarandi er umsögn Bandalags háskólamanna (BHM) um þingmálið.

BHM gerir ekki athugasemd við frumvarpið sem virðist vera tæknilegs eðlis að frátöldum efnisreglum í 4. gr. um rýmkun skuldajöfnuðarheimilda ríkisins gagnvart launagreiðendum og í 3. gr. um skýrari skyldu launagreiðenda til greiðslu dráttarvaxta í samræmi við lög nr. 38/2001 um vexti og verðtryggingu. BHM þykir eðlilegt að réttmætra hagsmuna ríkissjóðs sé gætt að þessu leyti eins og öðru – eftir atvikum með *lagabreytingum*. Hins vegar vill BHM nota þetta tilefni til þess að benda á að *gildandi* lögum um vexti og verðtryggingu virðist ekki alltaf fylgt þegar um er að ræða vangreiðslur, þ.e. af hálfu ríkisins; ríkisstofnanir munu hafa fylgt „reglu“ sem fjármálaráðuneytið hefur sett þeim að greiða ekki dráttarvexti af vangreiddum launum.

Virðingarfyllst,
f.h. stjórnar BHM e.u.,



Gísli Tryggvason,
framkvæmdarstjóri BHM.



Félag löggiltra endurskoðenda

Alþingi
Erindi nr. P 128/408
komudagur 3.12.2002

Suðurlandsbraut 6 • 108 Reykjavík • Ísland • ☎ 568 8118 • Fax 568 8139

Reykjavík 2. desember 2002
Tilv. FLE 21-2002

Nefndasvið Alþingis
Efnahags- og viðskiptanefnd
c/o Hildur Njarðvík nefndarritari
Austurstræti 8-10
150 Reykjavík


Málefni: Frumvarp til laga um staðgreiðslu opinberra gjalda, 372. mál

Með bréfi dags. 21. nóvember sl. óskaði Efnahags- og viðskiptanefnd Alþingis Íslands eftir umsögn Félags löggiltra endurskoðenda um ofangreint málefni.

Samkvæmt samþykktum félagsins sendi stjórnin ofangreint erindi til álitsnefndar FLE. Á fundi sínum í dag tók Álitsnefndin málið til umfjöllunar og fylgir greinargerð nefndarinnar með bréfi þessu.

Stjórn FLE samþykkir fyrir sitt leyti meðfylgjandi greinargerð.

Virðingarfyllst,
Félag löggiltra endurskoðenda


Guðmundur Snorrason
formaður

Álitsnefnd Félags löggiltra endurskoðenda

Reykjavík, 2. desember 2002

Stjórn Félags löggiltra endurskoðenda
Guðmundur Snorrason, formaður
Suðurlandsbraut 6
108 Reykjavík


Málefni: Frumvarp til laga um staðgreiðslu opinberra gjalda, 372. mál

Samkvæmt samþykktum félagsins sendi stjórnin ofangreint erindi til álitsnefndar FLE. Að fenginni umsögn Skattanefndar FLE tók Álitsnefnd málið fyrir á fundi sínum í dag.

Álitsnefnd FLE samþykkir meðfylgjandi umsögn Skattanefndar á frumvarpinu.

Virðingarfyllst

ÁLITSNEFND FÉLAGS LÖGGILTRA ENDURSKOÐENDA



Guðmundur Snorrason
Sigrún J. Gunnarsson
Lýndís Árnadóttir
Þorleifur H. Jónsson
Párr Ólafsson

Til álitsnefndar FLE

Reykjavík, 2. desember 2002.

Efni: Boðaðar breytingar á skattalögum.

Skattanefnd FLE hefur yfirfarið eftirtalin lagafrumvörp og hefur þessa umsögn fram að færa:

1. Frumvarp til laga um endurgreiðslu oftekinna skatta og gjalda, mál nr. 323:

Engin athugasemd.

2. Frumvarp til laga um tekuskatt og eignarskatt, mál nr. 324:

Í 3. gr. þess frumvarps er gert ráð fyrir að kostnaður við rekstur bifreiða sem látnar eru starfsmönnum í té sé ekki frádráttarbær frá skattskyldum tekjum nema að því marki sem hann er talinn viðkomandi starfsmanni til tekna.

Nefndin hefur af því nokkrar áhyggjur að ákvæði þetta sé óskýrt og til þess fallið að valda ágreiningi milli skattstjóra og skattaðila. Ljóst er að bifreiðar gegna oft þýðingarmiklu hlutverki í tekjuöflun fyrirtækja og notkun þeirra er oft á tíðum mikil. Vitað er að starfsmenn geta haft afnot af bifreiðum fyrirtækja, ýmist takmörkuð eða ótakmörkuð. Ef hlunnindamat starfsmanna á að verða ráðandi um að hve miklu leyti rekstrarkostnaður bifreiða telst til frádráttarbærs kostnaðar í rekstri þá er með þessu ákvæði verið að brjóta það grundvallarákvæði 31. gr. skattalaganna að gjaldfæra megi þann kostnað sem gengur til að afla tekna, halda þeim við o.s. frv. Nefndin telur að ákvæðið eins og það var fyrir breytinguna hafi í reynd tekið til bifreiða sem voru lítið notaðar í þágu rekstrar og því verið eðlilegt en öðru máli gegni þegar það taki til allra bifreiða.

3. Frumvarp til laga um um staðgreiðslu skatts á fjármagnstekjur, mál nr. 371:

Engar athugasemdir.

4. Frumvarp til laga um staðgreiðslu opinberra gjalda, mál nr. 372:

Engar athugasemdir.

Virðingarfyllst,

Skattanefnd FLE

Aðalsteinn Hákonarson
Gunnlaugur Kristinsson
Guðmundur Jens Þorvarðarson
Birkir Leósson.

Alþingi
Erindi nr. P 128/627
komudagur 11.12.2002

Fjármálaráðuneytið
tekju- og lagaskrifstofa.

5. desember 2002.

Lög nr./1987, um staðgreiðslu opinberra gjalda, 372. mál.

Gjalddagi greiðslu er 1. hvers mánaðar og eindagi 14 dögum síðar. Hafi launagreiðandi eigi greitt á eindaga skal hann sæta álagi skv. 28. gr.

Álag 1. reiknast 1% fyrir hvern dag eftir eindaga, þó ekki hærra en 10%

Álag 2 reiknast fyrir hvern byrjaðan mánuð, talið frá og með 1. degi næsta mánaðar eftir eindaga. Álag þetta skal vera hið sama og dráttarvextir sem Seðlabanki Íslands ákveður.

Dæmi skv. gildandi lögum. Ekki greitt fyrr en 1. mánuði eftir gjalddaga. Þá reiknast 10% álag frá 15.- 25. og dráttarvextir fyrir allan mánuðinn efir eindaga.

Frumvarp.

Álag 1 óbreytt.

Álag 2. Hafi ekki verið greitt á 1. degi næsta mánaðar eftir eindaga, reiknast dráttarvextir frá gjalddaga.

Dæmi skv. frumvarpi: Ekki er greitt fyrir en 1. mánuði eftir gjalddaga. Þá reiknast 10% álag frá 15.-25. Þann 1. næsta mánaðar reiknast dráttarvextir frá gjalddaga.

Lög nr. 94/1996, um staðgreiðslu skatts af fjármagnstekjum.

Gjalddagi er einu sinni á ári 15. janúar og eindagi 15 dögum síðar.

Álag 1 reiknast fyrir hvern dag eftir eindaga, þó ekki hærra en 10%

Álag 2 til viðbótar fyrir hvern byrjaðan mánuð, talið frá og með 1. degi næsta mánaðar eftir eindaga. Álagið er hið sama og dráttarvextir sem Seðlabanki Íslands ákveður.

Dæmi skv. gildandi lögum. Hafi ekki verið greitt þann 10. febrúar Reiknast 10% álag. Til viðbótar leggjast á dráttarvextir frá 1. febrúar. (Álag 1 og 2. reiknað samtímis).

Frumvarp.

Álag 1 er óbreytt.

Álag 2. Hafi ekki verið greitt á eindaga 30. janúar reiknast dráttarvextir frá gjalddaga.

Dæmi skv. frumvarpi. Álag 1 reiknast fyrstu 10 daga eftir eindaga. Hafi ekki verið greitt á eindaga reiknast jafnframt dráttarvextir frá gjalddaga.

Alþingi
Erindi nr. Þ 128/447
komudagur 3.12.2002

Nefndasvið Alþingis
Hildur Njarðvík, nefndarritari
Austurstræti 8-10
150 Reykjavík.

Reykjavík, 2. desember 2002.

Umsögn laganefndar LMFÍ um frumvarp til laga um breytingu á lögum nr. 45/1987, um staðgreiðslu opinberra gjalda. 128. löggjafarþing 2002–2003. Þskj. 418—372. mál.

Lögmannafélag Íslands vísar til bréfs yðar, dags. 21. nóvember 2002, þar sem óskað er umsagnar um ofangreint frumvarp. Laganefnd félagsins hefur haft frumvarpið til skoðunar og sér ekki ástæðu til að gera athugasemdir við efni þess.

Virðingarfyllst,
f.h. laganefndar Lögmannafélags Íslands

Jakob R. Möller, hrl.
formaður

Alþingi
Erindi nr. P 128/448
komudagur 3.12.2002
128/448

RSK

RÍKISSKATTSTJÓRI

Laugavegur 166 - 150 Reykjavík - s. 563-1100 - fax 563-1291 - kt. 540269-6029 - rsk@rsk.is - www.rsk.is

Alþingi, efnahags- og
viðskiptanefnd
Austurstræti 8
150 REYKJAVÍK

Reykjavík 2. desember 2002 2002110420

Staðgreiðsla opinberra gjalda. Mál 372, þskj. 418. Umsögn ríkisskattstjóra.

Vísað er til bréfs Efnahags- og viðskiptanefndar Alþingis, dags. 21. nóvember sl., þar sem ríkisskattstjóra var sent til umsagnar frumvarp til laga um breyting á lögum nr. 45/1987 um staðgreiðslu opinberra gjalda, málsnr 372, þskj. 418. Í frumvarpinu eru lagðar til breytingar á nokkrum greinum laganna.

Í 2. gr. frumvarpsins er lagt til að skrá, sem sýnir greiðslustöðu launagreiðenda verði flutt til Fjársýslu ríkisins. Er það eðlilegt og fellur að tilgangi frumvarpsins. Í 2. málslíð er gert ráð fyrir að Fjársýslunni sé veitt heimild til könnunar á skattskilum. Við nánari athugun virðist þessi málslíður óþarfur og er ekki í samræmi við eðlilega stjórnsýslu á sviði skattamála og er því lagt til að 2. málslíður greinarinnar verði felldur niður.

Í 3. gr. eru lagðar til breytingar sem snerta útreikning dráttarvaxta vegna vanskila á staðgreiðslu. Er lagt til að dráttarvextir verði reiknaðir sem dagvextir í stað mánaðarvaxta. Einnig er í frumvarpsgreininni gert ráð fyrir að upphafstímamark vaxta verði miðað við gjalddaga hafi ekki verið greitt á fyrsta degi næsta mánaðar eftir eindaga. Gjalddagi staðgreiðsluskila er 1. hvers almanaksmánaðar og eindagi 15 dögum síðar. Þetta fyrirkomulag er til samræmis við töku dráttarvaxta á öðrum sviðum viðskipta.

Rétt er að benda á það að samkvæmt gildandi lögum reiknast svokallað Álag 1 fyrstu 10 dagana sem líða eftir að greiðslufall hefur orðið á eindaga. Reiknast þannig 1% af gjaldskyldri fjárhæð fyrir hvern dag sem líður eftir eindaga, að hámarki 10% af gjaldskyldri fjárhæð. Hafi síðan ekki verið greitt fyrsta dag næsta mánuðar eftir eindaga reiknast svokallað álag 2, sem er jafnhátt dráttarvöxtum. Með öðrum orðum þá hefur álagi 1 og álagi 2 aldrei verið beitt samtímis. Sú breyting sem lögð er til í frumvarpinu að dráttarvextir séu reiknaðir sem dagvextir er í sjálfu sér eðlileg og samýmist almennum viðurlögum við vangreiðslu. Ríkisskattstjóri vill þó leyfa sér að vekja athygli á þeirri íþyngjandi breytingu sem felst í hinum breytta upphafstíma á útreikningi álags tvö, sem þýðir í reynd að dráttarvextir byrja að reiknast mánuði fyrr en hingað til.

Hefur ríkisskattstjóri engar aðrar efnislegar athugasemdir fram að færa varðandi frumvarpið.

Virðingarfyllt

Indridi H. Jónsson

Friðrikur Þórunnsson

Alþingi
Erindi nr. Þ 128/491
komudagur 4.12.2002



**VERSLUNARRÁÐ
ÍSLANDS**

ICELAND CHAMBER
OF COMMERCE
Stofnað 1917

SAMTÖK
VIÐSKIPTALÍFSINS


Nefndasvið Alþingis
Efnahags- og viðskiptanefnd
b/t Hildar Njarðvík, nefndarritara
Austurstræti 8 - 10
150 Reykjavík

Reykjavík, 4. desember 2002.

Efni: Frv. til l. um br. á l. nr. 45/1987 um stgr. op. gjalda (372. mál).

Verslunarráð Íslands þakkar nefndinni fyrir það tækifæri að fá að veita umsögn um ofangreint frumvarp. Verslunarráð gerir ekki athugasemdir við frumvarpið.

Virðingarfyllst,
f.h. Verslunarráðs Íslands,


Sigríður Ásthildur Andersen.

Póstáritun:
Verslunarráð Íslands
Húsi verslunarinnar
Kringlan 7
103 Reykjavík

Sími: 510 7100
Bréfsími: 568 6564
Netfang: mottaka@chamber.is
Website: www.chamber.is